



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorum Omnium Generalium Et Provincialium Collectio Regia**

Ab anno CCCCII. ad annum CCCCXXX.

**Parisiis, 1644**

IV. Alypii episcopi responsio, pro veris exemplaribus Nicaeni Concilii  
perquirendis.

**urn:nbn:de:hbz:466:1-14918**

quæ agenda sunt subsequantur. Daniel notarius recitauit commonitorium: Fratri Faustino & filiis Philippo & Asello presbyteris, Zosimus episcopus: Vobis commissa negotia non latent. Vos ita vt nostra, imo quia nostra ibi in vobis præsentia est, cuncta peragite; maxime cum & hoc nostrum positis habere mandatum, verba Canonum, quæ in pleniorum firmitatem huic commonitorio inseruimus. Ita enim dixerūt, dilectissimi fratres, in Concilio Nicæno cum de episcoporum appellatione decernerent: <sup>k</sup> Placuit autem, vt si episcopus accusatus fuerit, & iudicauerint congregati episcopi regionis ipsius, & de gradu suo deiecerint eum, & appellasse episcopus videatur, & confugerit ad beatissimum ecclesiæ Romanæ episcopum, & voluerit audiri, & iustum putauerit, vt renouetur examen; scribere his episcopis dignetur, qui in finitima & propinqua prouincia sunt, vt ipsi diligenter omnia requirant, & iuxta fidem veritatis definiant. Quod si is qui rogat causam suam iterum audi-  
ri, deprecatione sua mouerit episcopum Roma-  
num, vt e latere suo presbyterum mittat, erit in  
potestate episcopi Romani, quid velit, & quid exi-  
stimet. Et si decreuerit mittendos esse, qui præ-  
sentes cum episcopis iudicent, habentem auctoritatem eius, a quo destinati sunt, erit in suo arbi-  
trio. Si vero crediderit sufficere episcopos, vt ne-  
gotio terminum imponant, faciet quod sapientif-  
simo consilio suo iudicauerit.

## IV.

Et cum recitaret, Alypius episcopus Tagasten-

BONIFACIUS P. I. CARTHAGIN. VI. HONORIUS IMP. 437  
THEODOSIUS

ANNO CHRISTI 439. sis legatus prouinciae Numidiæ dixit: De hoc iam superioribus etiam literis Concilii nostri rescripsimus, & id nos seruaturos profitemur, quod in Nicæno Concilio constitutum est. Adhuc tamen me mouet, quoniam cum inspiceremus Græca exemplaria huius Synodi Nicænæ, ista ibi, nescio quia ratione, minime inuenimus. Vnde petimus venerationem tuam, sancte papa Aureli, ut quia hoc authenticum Concilium Nicænum in vrbe dicitur esse Constantinopolitana, aliquos cum scriptis suæ sanctitatis mittere digneris: & non solum ad ipsum sanctum fratrem nostrum Constantinopolitanum episcopum, sed etiam ad Alexandrinum & Antiochenum venerabiles sacerdotes, qui hoc nobis Concilium cum substipulatione literarum suarum dirigant, ut omnis postmodum ambiguitas auferatur: quia nos ita, ut frater Faustinus attulit, minime inuenimus. Ista nos tamen tantisper seruaturos, ut antea dixi, donec integra exemplaria veniant, profitemur. Petendus est autem literis nostris & venerabilis ecclesiæ Romanæ episcopus Bonifacius, ut ipse quoque dignetur ad memoratas ecclesias aliquos mittere, qui eadem exemplaria praediti Nicæni Concilii, secundum eius possint scripta proferre. Nunc autem memorati Concilii Nicæni qualia exemplaria habeamus, his gestis sociemus.

V.

Faustinus episcopus, legatus ecclesiæ Romanæ, dixit: Nec vestra sanctitas præiudicat ecclesiæ Romanæ, siue de hoc capitulo, siue de aliis, quia dice-

Iii iij